



ԲՆԱՊԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ ՄԱՐՄԻՆ

ՈՐՈՇՈՒՄ № Վ/09-01/4

գործողությունը կասեցնելու վերաբերյալ

«18» հունվարի 2023 թ

ք. Եղեգնաձոր

Բնապահպանության և ընդերքի տեսչական մարմնի (այսուհետ՝ Տեսչական մարմին) Վայոց ձորի տարածքային բաժնի պետի պաշտոնակատար Հարություն Հարությունյանս, քննության առնելով «Արիովշին» սահմանափակ պատասխանատվությամբ ընկերությունում (այսուհետ Ընկերություն) իրականացված ստուգման գործի նյութերը՝

Պ Ա Ր Զ Ե Ց Ի

Ստուգման շրջանակներում իրականացված գործողությունների արդյունքում պարզվել է, որ ՀՀ Վայոց ձորի մարզի Զերմուկ քաղաքի Եղնիկի արձանի շրջակայքում՝ նպատակային նշանակությամբ անտառային, գործառնական նշանակությամբ անտառ, 10-002-0588-0001 կադաստրային ծածկագրով հողատարածքում համաձայն ՀՀ Վայոց ձորի մարզի Զերմուկի համայնքապետարանի 10.02.2023 թվականի թիվ 5 շինարարության թույլտվության իրականացվում է 1000մ² մակերեսով դիտահրապարակի և ավտոկայանատեղի կառուցում:

Նշված շինարարության կատարման նախաձեռնող և կառուցապատող կողմ է հանդիսանում ՀՀ Վայոց ձորի մարզի Զերմուկի համայնքապետարանը, որը 10.05.2021 թվականին տվել է նախագծման թույլտվություն, 2021 թվականին «Հալիի Քոնսալթ» ՍՊԸ-ի կողմից իրականացվել է աշխատանքային նախագիծ, 2023 թվականի փետրվարի 10-ին ՀՀ Վայոց ձորի մարզի Զերմուկի համայնքապետարանը ինքն իրեն որպես կառուցապատող տրամադրել է թիվ 5 շինարարության թույլտվությունը: Հայտարարվել է շինարարության մրցույթ, որում հաղթող է ճանաչվել «Արիովշին» ՍՊԸ-ն, որն էլ կատարում է շինարարական աշխատանքները:

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքում փոփոխություններ կատարելու մասին ՀՕ 150-Ն (այսուհետ Օրենք) 37-րդ հոդվածի 4-րդ կետի և նույն օրենքի ՀՕ-110 Ն 14-րդ հոդվածի 8-րդ մասի Փորձաքննության ենթակա են նաև սույն հոդվածի 3-րդ մասում

չթվարկված բոլոր նախատեսվող գործունեությունները, որոնք իրականացվելու են բնության հատուկ պահպանվող և անտառային տարածքներում, պատմամշակութային հուշարձանների սահմաններում, ընդհանուր օգտագործման կանաչ տարածքներում: Այս դեպքում փորձաքննությունն իրականացվում է Բ կատեգորիայի ընթացակարգով:

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 1-ին մասի ՇՄԱԳ-ն իրականացնում է նախաձեռնողը՝ համապատասխան լիցենզիա ունենալու դեպքում կամ համապատասխան լիցենզիա ունեցող անհատ ձեռնպրկատիրոջ կամ իրավաբանական անձի միջոցով: ՇՄԱԳ փուլում: Նույն օրենքի 4-րդ հոդվածի 1-ին մասի 14-րդ կետի համաձայն նախաձեռնող հանդիսանում է հիմնադրույթային փաստաթղթի նախագիծ ներկայացնող պետական կամ տեղական ինքնակառավարման մարմին կամ նախատեսվող գործունեություն իրականացնելու համար դիմող անձ, նույն օրենքի 18-րդ հոդվածով սահմանված գործողություններ իրականացնելուց առաջ նախաձեռնողի կողմից լիազոր մարմին պետք է ներկայացվի հայտ՝ ներկայացվող փաստաթղթերի փաթեթ:

Ըստ ՀՀ շրջակա միջավայրի նախարարության թիվ 1/26.13469 գրության ՀՀ Վայոց ձորի մարզի Զերմուկ քաղաքի Զերմուկի խորհրդանիշ Եղնիկի արձանի շրջակայքում կատարվող շինարարական աշխատանքների փաստաթղթերը չեն ներկայացվել շրջակա միջավայրի վրա ազդեցության փորձաքննության:

Օրենքի ՀՕ 150-Ն 19-րդ հոդվածի 6-րդ մասի՝ առանց պետական փորձաքննության դրական եզրակացության արգելվում է նախատեսվող գործունեության իրականացումը:

Համաձայն «Բնապահպանական վերահսկողության մասին» ՀՀ օրենքի 29.1-րդ հոդվածի 1-ին մասի 6-րդ կետի վերոնշյալ շինարարությունը ենթակա է կասեցման:

Ընկերության տնօրեն Միքայել Գրիգորյանը պատշաճ ծանուցվել է ստուգման նյութերի գործի քննության տեղի և ժամանակի մասին, սակայն չի ներկայացել գործի քննությանը, գործի քննությունը հետաձգելու վերաբերյալ միջնորդություններ և առարկություններ չեն ներկայացվել:

Ելնելով վերոգրյալից և ղեկավարվելով «Բնապահպանական վերահսկողության մասին» Հայաստանի Հանրապետության օրենքի 27-րդ հոդվածի 2-րդ կետով, 5-րդ կետի ե) ենթակետով, 28-րդ հոդվածի 3-րդ կետի 5) ենթակետով, 29.1-րդ հոդվածի 6-րդ կետով.

Ո Ր Ո Շ Ե Ց Ի

1. Կասեցնել Ընկերության կողմից ՀՀ Վայոց ձորի մարզի Զերմուկ քաղաքի Եղնիկի արձանի շրջակայքում՝ նպատակային նշանակությամբ անտառային, գործառնական նշանակությամբ անտառ, 10-002-0588-0001 կադաստրային ծածկագրով հողատարածքում շինարարության իրականացումը, մինչև կասեցման հիմքերի ավարտը:

2. Սույն որոշումը օրինական ուժի մեջ է մտնում Ընկերության տնօրեն Միքայել Գրիգորյանին հանձնելու հաջորդող օրվանից:

3. Սույն որոշումը կարող է բողոքարկվել վերադասության կարգով Տեսչական մարմնի ղեկավարին որոշումը հանձնելու (հանձնված համարվելու) օրվանից հետո՝ 30-օրյա ժամկետում կամ դատական կարգով՝ երկամսյա ժամկետում:

ՀՀ բնապահպանության և ընդերքի
տեսչական մարմնի Վայոց ձորի ՏԲ
պետի պարտականությունները կատարող՝

[Signature] Հարությունյան





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԲՆԱՊԱՀՊԱՆՈՒԹՅԱՆ ԵՎ ԸՆԴԵՐՔԻ
ՏԵՍՉԱԿԱՆ ՄԱՐՄՆԻ ՂԵԿԱԿԱՐ

№ Ն/019/5318-2022

«22» «սեպտեմբեր» 2022 թ.

Լ Ի Ա Ջ Ո Ր Ա Գ Ի Ր

Հիմք ընդունելով Հայաստանի Հանրապետության վարչապետի 2018 թվականի հունիսի 11-ի թիվ 733-Լ որոշմամբ հաստատված ՀՀ բնապահպանության և ընդերքի տեսչական մարմնի (այսուհետ՝ Տեսչական մարմին) կանոնադրության 21-րդ կետի 7-րդ ենթակետը՝ լիազորում եմ Տեսչական մարմնի Վայոց ձորի տարածքային բաժնի գլխավոր պետական տեսուչ Անդրանիկ Կարենի Համբարձումյանին (անձնագիր՝ AR 0346166, տրված՝ 27.06.2017 թ-ին, 037-ի կողմից, ք. Եղեգնաձոր, Արսենյան փ. շենք 9, բն. 32) Տեսչական մարմնի անունից հանդես գալու ՀՀ արդարադատության նախարարության իրավաբանական անձանց պետական ռեգիստրի գործակալությունում և կատարելու ՀՀ հրապարակային ծանուցումների պաշտոնական ինտերնետային կայքում հրապարակային ծանուցումներ տեղադրելու համար անհրաժեշտ բոլոր գործողությունները, այդ թվում՝ լրացնելու և ստորագրելու ինտերնետով հրապարակային ծանուցման ենթակա հայտարարությունները և դրանք էլեկտրոնային կրիչով ներկայացնելու ՀՀ արդարադատության նախարարության իրավաբանական անձանց պետական ռեգիստրի գործակալություն:

Սույն լիազորագիրը տրվում է առանց վերալիազորման իրավունքի:

Հ. Մարտիրոսյան



4 0009, ՀՀ ք. Երևան, Կոլյուն փող. 15

✉ hovhannes.martirosyan@ecoinspect.gov.am | info@ecoinspect.gov.am

🌐 www.ecoinspect.am

☎ +374 15 488 885 | +374 15 484 848